

Ministerio Publico ta declara cu Stanley Zaandam ta deteni y Stanley ta sinta na cas

ORANJESTAD (AAN) Pegamento di barco tabata algo cu pueblo a kere cu tabata expertisio di cierto mandatarionan y politiconan so, pero ayera henter pueblo di Aruba a ser poni riba abao ora cu e noticia a plama rond cu Stanley Zaandam, ex comisario di polis a ser deteni pa Landsrecherche.

Pa mas o menos 4'or di atardi Ministerio Publico ta manda cartanan via fax pa medionan di comunicacion pa pone tur hende na altura cu Stanley Zaandam a worde deteni riba 'AWE DIABIerna 12 DI JANUARI 2001'.

E carta fax a cay manera un bom pasobra mayoria biaha medionan di comunicacion den un frega di wowo ta haya sa si un persona clave den comunidad ser deteni door di 'autoridadnan competente', pero den e caso di Stanley Zaandam esaki no tabata e caso.


Den e comunicado manda pa Ministerio Publico tin poni cu Stanley Zaandam a worde deteni riba 12 di Januari 2001 riba sospecho di instigacion segun articulo 136 a di Codigo Penal di Aruba relaciona cu e conferencia di prensa cu el a tene riba 21 di December 2000 y cual conferencia di prensa a ser publica via mayoria medio di comunicacion na Aruba.

Tambe a ser poni den e carta di Ministerio Publico cu Zaandam a comete e delito di 'ofensa' contra Gobernador di Aruba y cual ofensa lo a ser expresa durante e mesun conferencia di prensa mencionada.

Ministerio Publico a pega barco mahos cu fecha di nan carta door di manda esaki un diabierna despues cu e 'supuesto detencion' lo a tuma lugar na cas di Zaandam y straño tambe ta cu e carta cu aparentemente tabata fecha 12 di Januari 2001 su fecha a ser cambia manualmente pa 19 di Januari 2001 esta ayera y door di esaki un impresion hopi dudoso a ser crea ayera cerca mayoria medio di comunicacion, cu excepcion di esnan cu ayera a muestra bon cla nan cara berdadero door di bay hunga hues y huzga acusacionnan lanza door di Zaandam den su buki y su conferencia di prensa.

DIARIO a tuma contacto cu cas di señor Zaandam pa haya sa si enberdad e tabata deteni manera cu Ministerio Publico lamentablemente den e caso aki a "insinua", pero Zampi tabata sinta na grandi na su cas atendiendo su bukinan di estudio y no tabata tin nada di detencion y seramento ayera.

Zaandam a duna di conoce cu enberdad Landsrecherche a bay na su cas diabierna siman pasa y nan a pidi Zaandam pa e bay cu nan na despacho di Landsrecherche relaciona cu interrogacion cu nan kier a haci cune basa riba violacion di articulo 136 a y 120 y 121 di codigo penal y cu Zaandam no lo a reacciona riba un invitacion cu 'autoridadnan' di Landsrecherche lo a manda pe pa e presenta na



oficina di Landsrecherche riba 8 di Januari 2001 relaciona cu e mesun tipo di violacion menciona den e carta aki di Ministerio Publico.

Zaandam a duna di conoce ayera na DIARIO, cu e mes a bay cu Landsrecherche (4 homber tabata tin mester pa bay busca Zaandam; pakico 4 homber?; dos local y dos Hulandes) ora cu nan a bay discuti cune na su cas.

Na Despacho di Landsrecherche diripiente ningun hende a papia mas di violacion di supuesto insulto di Gobernador y ta solamente riba articulo 136 a a ser papia cu Zaandam lo a trata di instiga contra autoridadnan es-

tableci (esta Gobierno) na Aruba ora cu Zaandam a declara den su conferencia di prensa riba 21 di December caminda cu el a bisa cu cada ciudadano na Aruba por detene un mandatario op heterdaad si esaki ta worde acusa di ta meti den actonan contra ley!!!

Ora cu Zampi a duna nan di conoce (esta duna les con ley ta hinca den otro y sigur despues di tanto aña di servicio como polis, Zaandam conoce leynan di Codigo Penal kizas mihor cu henter Landsrecherche hunto) cu no tin nada di violacion di ley, no a keda nada otro cu Landsrecherche a keda para boca habri y man-

bashi.

Fuera di tal hecho Zaandam a bisa e funcionarionan di Landsrecherche cu Landsrecherche na Aruba no tin ningun competencia legal pa detene ningun hende pa-

sobra te ainda e ley pa haci Landsrecherche oficialmente legal na Aruba no a ser pasa y door di esey Landsrecherche no tabata tin ningun autoridad pa exige ningun declaracion di dje y ey ta caminda cu tur cos a caba y den pura (e interrogacion a dura 10 minuut) nan mester a hiba Zampi back pa su cas.

Ayera na radio a ser haci como si fuera cu ta Zaandam a sconde cu

el a worde deteni siman pasa, pero no ta Ministerio Publico normalmente ta manda comunicado mesora ora cu un hende clave ser deteni manera cu a yega di pasa den pasado.

E caso di supuesto detencion di Zaandam na su cas lo bay haya un rabo pasobra tin hopi mas informacion pa sali caminda cu e pregunta mester worde contesta kende a manda duna orden pa bay 'detene' Zaandam y bao ki competencia y pakico ora cu el a yega na Landsrecherche nan no a papia mes di insulto contra gobernador y pakico den menos cu 10 minuut di interrogacion nan mester a lage bay?

Keda pendiente pasobra despues di e pegamento di barco aki ta parce cu ta un flota completo tin pa rebenta riba un rif di decisionnan mal tuma y bao di competencia hudicial hamas bisto den Reino Hulandes.

Riba foto por mira señor Stanley Zaandam sinta trankil di dje na su cas mientras cu su ex colega y na mes momento tambe ex comisario di polis, señor Rasmijn a bay den pura na cas di Zaandam pa averigua kico a pasa y e tambe mescos cu DIARIO, a haya Zaandam riba un rust sinta manera: Stille voor de Storm!

Zampi, Zampi, ta kico tin pendiente!!

MEGA MINISTER!!

